

Месяца июля в 4-й день.

Служба с акафистом
Святым Благоверным
Царственным Великомученикам
Николаю, Александре, Алексию,
Ольге, Татьяне, Марии, Анастасии,
егда им пострадали за грехи народа русского

НА ВЕЛИЦЕЙ ВЕЧЕРНИ

Блажен муж, первый антифон.

На Господи воззвах стихиры царя глас 5:

Якоже святини князие Борис и Глеб побеждаем желанием будущих, паче же любовию Христовою, царство земное и славу возненавидел еси, чистоту же возлюбил еси, и неправедное убийство претерпел еси, никакоже противляшеся предающему тя народу, темже и представитель за народ свой являешися, о царю мучениче, о Ангеле земли Российския, о заступниче наш небесный, моли спастися душам нашим.

Вящше неже дванадесяте легеона ангел предстояша в веси Гефсиманийстей Господу Славы, пламенеюще попалити огнем небесным иудеов безумных, обаче како свудутся писания рече Господь, сице же и Помазанник Божий страстотерпец царь Николай, имяше вящше неже

Служба с акафистом написана в России. Печатается по изд.: Воскресенье земли Русской. М. «Русский хронограф». 1999. С. 3-20; Русская Пасха. М. «Русский хронограф». 1999. С. 3-31.

дванадцать легиона вой земных, препоясанных, оболченных, оружных, обаче предаются со чады своя в рuce беснующагося народа своего.

Исполнати лишения скорбей своих во плоти нашей апостолом повелел еси Господи, темже и вернии послушницы Твои, святини Царственнии Мученицы запинание от ближняго воеводы, ударение прикладом, угрозы заплевания и угрозы насилия над чады претерпели суть, еще же и посмертное поругание мощей ваших людьми русскими яко славу Христову прияли суть.

Егда рече Господь ко пришедшим яти Его иудеом «Аз есмь, везде Бый и вся исполняй», тии идоша вспять и падоша на земли, егда же другий иуда, воевода царю напрасно тезоименный, понуждая господина своего решатися на отречение, даже пхаше царя, тогда испровержесе слава русская, тогда клятва страшная падоша на ны и на чада наша, тогда помрачи лице Свое на землю нашу Солнце Правды Христос Бог.

Не прикасайтесь помазанным Моим, глаголет Господь, ты же, царю мучениче, всех простиный, тепле за новаго иуду, воеводу тебе запинающаго, Бога моли еси: темже страшная смерть воеводы сего милость воистину царская сему явися, избавляюща онаго от смерти вечныя.

Ничесоже отвещаваше Господь Ироду вопрошающу, смрадом закваски онаго оскорбляем, мы же убоймся молчания Государева, ничесоже рекшаго новым правителем привременным, зрети отрекшагося царя вожделевшим, Царство Небесное соглядавшим и ничесоже узревшим.

Содержим любовию по воям русским моляше Бога царь Николай, да приведет их к победе великомученик Георгий, вои же русстин ударом приклада своему владыце отвещаша. Он же, грудь свою за оных грехи подставляя, грудню встати за него клявшихся, никакоже молит-

вы оставляше, и исполнися молитва государева чрез двадцать и осмь лет.

Се оставляется вам дом ваш пуст, ветхому Израилю рече Господь, дондеже не возглаголете: благословен грядый во имя Господне Исус Христос Сын Божий, такожде и на месте Руси Святые зрим мерзость запустения, якоже и Государь рече: аще быша вси людие просили его, никогдаже приял бы скипетр и державу земли Российской, обаче жезлом и палицею Царствия Небеснаго утешает всех стремящихся в горняя.

Слава, глас 6:

Камень, егоже неврегоша зиждущии архиереи российстии, святой великомученик царь Николай/, сей бысть Христом Богом, Камнем Живота Вечнаго/, на служение Церкви Российской поставлен/, да спасутся во Христе чада ея/. Тии же архиереи уподобившася мужу юродиву/, иже созда храмину свою на песце/, ограждением сим святым гнушашесе/, и сниде дождь гнева Божия на землю Русскую/, и придоша реки беззакония/, и возвеша ветри со стран западных/, и опрошася храмине той в лютом гонении/, мы же да строим спасение наше/, ничесоже своего ищущи/, молящесе святым страстотерпцем царственным.

И ныне:

Кто Тебе не увлажит, Пресвятая Дево; кто ли не воспоет Твоего Пречистаго рождества; безлетно бо от Отца возсиявый Сын Единородный, Тойже от Тебе Чистыя пройде, неизреченно воплощся, естеством Бог Бый, и естеством быв человек нас ради, не бо двою лицу разделяемый, но во двою естеству неслитно познаваемый: Того моли, Чистая, Всеблаженная, помилуватися душам нашим.

Стихиры на литии, глас 4:

Прикровенне и мѹщѣ злѡбы свободу, ѹзнилище ваше тобольское «домом свободы» нарицали сѹтъ, обаче не ведаша, яко царственнии мѹченицы познахѹ Христа-Истиннѹ, Он же содела ихъ свободными: несть бо свободы, яже не во Христе Исусѣ: мѹченицы же царственнии во имя Господа собрани быша, и Господь бысть посреде ихъ, темже и они быша во Христе – Свободе истинней.

Тринадцать лет ѹ державнаго деда в послушанин был еси, и паки тринадцать лет ѹ державнаго отца твоего в послушанин был еси, святѹй мѹчениче царю Николае, и двадесять и три года сердце твое в рѹце Божии предавал еси, темже и молитвы твоя за ны блѹдныя послушает Христос Бог.

О страсотерпче святѹй! Храмы тьмочисленными землю Русскѹю ѹкрасил еси, и ни един от клира сего Тайнами Небесными пред смертию твоею тебе напѹтствоваше, днешь же новыи храмоздатели громко трѹбяще о храме едином, глѹмятся над Тайнами Христовыми.

Глава, глас 5:

Егда гортань Димитриев не можаше провещати страшное ѹвѣнение царевичево, тогда кампан собора ѹглическаго громогласно детоѹбийство возвестил есть, оный же ирод во град Тобольск свидетеля мѣдна сосла, аможе за свидѣтельство Христова Госѹдаря-мѹченика последовал есть.

И ныне, глас тойже:

Храм и Дверь еси, Палата и Престол Царев, Дево Всечестная: Сюже Избавитель мой Христос Господь во тьме спящимъ явился, Солнце Сѹй Правды, просвети хотя, яже созда по образѹ Своемѹ рѹкою Своею. Темже Всепетая, яко Матерне дерзновение к Немѹ стяжавшая, непрестанно моли спастися дѹшам нашимъ.

Стихиры на стиховне, глас 2:

Якоже время неѹдобьносимое/ для народа твоего ты бяше/, темже и стражницы твои владыкам своим/ о тебе, якоже о времени бездѹшнем, писахѹ ты же, о дивный светильниче любве и кротости/, каждомѹ ближнемѹ твоемѹ, даже стражником/, слово ободрения, слово смирения/, слово воинствѹ отеческое имел еси/, преизбыткомъ жизни твоея во Христе/, пѹстыню сирыхъ ихъ дѹш напоевая.

Показѹют нам Царственнии мѹченицы/ яко семья есть тайна Божия/, яко вящшее мѹчение им бысть/ в расторженнии семьи истязательми/, страшное же чѹдо народа русскаго есть/, яко множество летъ жительствѹюще без царя/ помазаннаго Богомъ во отцы народу/, не вопием емѹ гласомъ великимъ/: согрѣшихом на него и пред тобою,/ о царю святѹй.

Глава, и ныне:

О чѹдесе новаго всехъ древнихъ чѹдес! Кто во позна Матерь без мѹжа рождшѹю, и на рѹкѹ носящѹю всю тварь Со-держащаго; Божие есть изволение, рождшееся. Егоже, яко Младенца, Пречистая, Твоима рѹкама носившая, и Матерне дерзновение к Немѹ имѹщая, не престай молящи о чтѹщихъ Тя, ѹщедрити и спасти дѹши наша.

Тропарь, глас 3:

Отеческия десницы твоя ѹдалихомся безѹмно, овцы без пастыря, пасем свииния страстей своихъ, в злыхъ расточихомъ еже намъ предал еси богатство державы твоея, темже, о царю Николае, народ твой ти блѹднаго гласъ приносит: согрѣшихомъ пред тобою тягчѣе Хама, страсотерпче святѹй, прими насъ кающихся всемъ животомъ нашимъ, и сотвори насъ паки раби твои, наемники за молитвѹ твою о прощении грѣховъ нашихъ.

НА УТРЕНИ

По 1-й кафисме седален:

Яко три сперы влекоша Царя из Тобольска в Тюмень-град: овая вожделяше свободити Государя земных уз, овая помышляше от скверноуевийц свободити, третия от десныя и шция свободы его сохраняше, многоценнаго сего висера желаючи продати немцем, сам же царь-мученик во Христе преизбыточественно свободный, кротце моляше Держащаго всю тварь да не попустит Милостивый Господь семью разлучити, и удержа Вседержитель простерших руки мерзкия убити удерживающаго.

Глава и ныне:

Радуйся, Святая Горо и Богопроходная. Радуйся, одушевленная Купино и неопалимая. Радуйся, Единая к Богу миру Мосте, преводяй мертвыя к вечному животу. Радуйся, нетленная Отроковице, неискусомужно рождающая Спасение душ наших.

По 2-й кафисме седален:

Бесоводимни стражницы чад царевых, егда кораблем оных в Тюмень гоняху, двери в чертоги им ноцию затворити возбраняша, ругатися им хотяще, темже врата адова оным отверсты страшно явишася, муку нестерпимую блудников показующе. Они же, и царевича дверь затвориша тою же ноцию, затворивше себе двери Царства Небеснаго, аще ни страстотерпцы царственнии помолятся о них.

Глава и ныне:

Неискусобрачная Невесто Богородительнице, яже Едину печаль радостно творившая, воспеваем вернии и поклоняемся Тебе, яко возвела еси нас от древния клятвы: и ныне моли непрестанно Всепетая, Пресвятая, во еже спастися нам.

Стихира по 50-м псалме, глас 8:

Егда внидоша царственнии мученицы в дом Ипатиев, висть Господь грядый на вольную страсть, они же в горници скетлей, устланной, приготовленной всем их житием предидеющим, светильники свои украшаху, Дванадесятно Евангелии ихже сам царь-мученик купно со врачом Евгением славным, чтоста во ушню всей Руси Святей. Оле врачей нынешних, ки токмо именем врач нарцаются, суть же детоубийцы мерзейшии. Оле правителей нынешних, ки оных чад убиенных в снедь адскую потребляют. Молитвами царственных мучеников спаси, Господи, души младенцев закалаемых, растлеваемых и снедаемых, нас же грешных, спаси, Господи, от участи сих врачей и правителей.

КАНОН
СВЯТЫМ ЦАРСТВЕННЫМ
ВЕЛИКОМУЧЕНИКАМ.

Глас 6.

Песнь 1.

Ирмос: Яко по сущу пеществовав Израиль, по бездне стопами, гонителя фараона видя потопляема, Богу победную песнь поим, вопияше.

Прпев: Святни царственнии мученицы, молитвe Бога о нас.

Якоже сходяше Господь во Едем древний, взыскуп овча погибшее, во единем часе временно оветшавшаго Адама, такожде святни царственнии мученицы, якоже в рай сходяху, в страшный оный подвал, взыскающе клятвы в монастыре Ипатиевом принесенныя: о народе русский, где еси?

Якоже Иаков зряше не токмо восхождение, но и нисхождение ангельское в Лествице, Еяже глава досязаше до небес, такожде и ангели земли нашей сходяху в оный страшный подвал, благовестие прощения народу русскому кровию своею извецающе.

Якоже из тьмы египетстей надлежало есть изыти по дну бездны, такожде и державный изводитель народа нашего от тьмы греховных, аще и сходяше в оный мрачный подвал, никакоже сходяше со камене заповедей Твоих, Господи.

Аще и сходяше Даниил в ров ко львом рыкающим, обаче и сии смиреннем славляху Бога его, сице же, камене жесточайшее, скверноубийцы ипатиевския, аще и кроме воли своей, славляху Бога, мощи телеса убиенных Царственных мучеников нарицающе.

Песнь 3.

Ирмос: Несть свят якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Плод веры и долготерпения несумнительно Богу принесе Авраам, едиnorodнаго Исаака, темже и едиnorodный царевич Алексий сеется отцем своим в грядущий плод веры нашея.

Буди имя Господне благословенно во веки: по смерти чад своих Иов праведный отвещаваше искусителем своим, царь же мученик, аще и провидя смерть чад своих: никто как Бог кротце отвещавал есть.

Чадо старости, чадо молитвы Иоанн Предтеча высть, главу свою сложи рукою блудницею, обаче несть больший в пророцех Иоанна, ты же чадо молитв и многих скорбей, воин непобедим за Русь Святую являешься, о Алексие царевиче, аще и безпомощен во убиении твоём явился еси.

Богородичен: О Всепетая Дево, Мати Творца! Четырнадцать лет сущи, в смертной угрозе глаголаша еси: «Се раба Господня, буди Ми по глаголу Твоему». Твою веру и любовь Ты Сама в сердце четырнадцатолетнему царевичу в смерти его вложила еси.

Седален по 3-й песни:

Якоже глаголют бусловы нынешнии святителя Николая никогдаже бывша, зане рукописания его несть на соборе Никейском, сице же тшатся превратити бытие царя-мученика: ради маловерных, сугверных и неверных нас, попустил есть Господь быти художеству света, образ царя факорски в сердцах наших напечатлевая, яко икону и яко мощи его подавая нам.

Песнь 4.

Ирмос: Христос, моя сила, Бог и Господь, честная церковь боголепно поет взываючи, от смысла чиста о Господе празднующи.

Аще не обратимся и не будем яко чада царевы, яже не мстити за отца нас молят, яже ангельскими очима зрят еще умножение зла, яже токмо любовь глаголют побеждающе, никакоже увидем аможе они.

Егда убийцы царевы писаша мучеником письма льстивныя, бежати из заточения их понуждающе, тогда святая мученица царевна Анастасия, воскресити их души тшацися, бежати пролития крове их моляше, ко льстивым пишущи, яко к пренскренним, токмо царственную кровь принести владыце Христу вожделевши.

Мученица святая царевна Мария образ Божий во стражницех своих прозреваше, якоже и сестры ея дивляхуся, яко каменносердечие оных родов подвигашеся, сия же святая мученица Мария ангелу подобно сходяше на камень гробный сердец их, свет воскресения им являючи.

О святая мученице царевно Татиано: погубила еси душу твою в животе привременном, взявши Крест Христов, родителей место брату и сестрам заступаючи, тем же и обрела еси живот вечный, Царство Небесное.

Песнь 5.

Ирмос: Божиим светом Твоим, Блаже, утрениющих Ти души любовию озари, молюся, Тя ведети Слове Божий, истиннаго Бога, от мрака греховнаго зывающа.

Брак честен венцы стяжает, севастиистим равночестнии. О святини супрузи царственнии: брак ваш венчал есть Христос Бог венцы мученическими.

Шесть водоносов вином сладким благ земных во браце содела в Кане Господь, сладчайший же небесный водонос Ты Сый, Святый, Крепкий, Безсмертный, тем же и святини супрузи царственнии во сокровищнице заключения своего седьмым водоносом сѣвотствовали.

Вино Каны Галилейския стремится в Жизнь Вечную, Ты же, Господи, мученичеством венчая венценосцев венчаных, подаеши им чашу Твою гефсиманийскую, кровию царственных мучеников вечною Русь Святую соделовая.

Кровию Христовою чрез все житие упоеваемн, достигоша во браце своем седьмаго тайнаго водоноса, иже есть Крест Христов: имже грядуще во Царствне Небесное, кровь свою Господу принесоста, стены же дома Ипатиева голгофски точаху кровь Христову в вашей крови.

Песнь 6.

Ирмос: Житейское море, воздвизаемое зря напастей бурюю, к тихому пристанищу Твоему притек, вопию Ти: возведи от тли живот мой, Многомилостиве.

О всехвальная Анны, царнице спогревшившая: овая же в телеси далече пребывающн, душею не разлучалася есть со госпожею своею, яко и скверноубийцы рекоша ея в подвале убенною: овая же служительница сущн, не оставила есть царицу и в последнем покое, отнюдуже текла за нею в чертог Царя Небеснаго, аможе и нам помолися внити.

Радуйтесе, воини непобедимн Царя Небеснаго и земнаго, славнии воляре Василине, Илие и Феодоре: якоже вы жизнь цареви сохраняху до последняго часа, такожде и ваш живот вечным житием является во Христе Иисусе. Молитесе о нас, да не бросим оружия нашего, да не оставим поля браннаго самовольно.

Врачеве любезнии Евгение и Скатирино: истиннаго благородства и чистоты душевней пример показаста: терпением, верою и любовию врачеваста страдальцев царственных. Темже учрачуйте души наша от любви к миру.

Святини служи цареви Иоанне, Клименте и Иоанне: в малом верни бывше, над многими вас ставит Господь ваш: мнитесе воле достойни родоначальницы быти новых царей, неже внуцы изменников. Помолитесе о еже воле любити нам служити, неже властвовать.

Святая мученице волярня Анастасия: ты рекла еси: яко в болих страданих большее утешение подает Господь: помолися же, царем сострадавшая и совоскресшая Христу Богу нашему, любити нам наипаче славу крестную.

Страстотерпче, адаманту подобный, Петре: аще и инородный, аще и инославный был еси, но истинную свободу, следуя царю обрел еси, познав Христа, и верен свидетель Богу явился еси, житие царево в письмени запечатлевая.

АКАФИСТ
СВЯТОМУ ВЕЛИКОМУЧЕНИКУ
БЛАГОВЕРНОМУ ЦАРЮ НИКОЛАЮ

Кондак 1.

Взбранный воеводо рода русскаго, яко покаявшесе во злых, благодарственная восписуем ти раби твои, царю Николае. Но яко имея скипетр и державу неворнимыя, аможе

ты сам приведи, да зовем ти: Радуйся, царю Николае, Христом Богом царствующий.

Икос 1.

Ангел предстатель с небесе послан бысть в час отречения от тебе народа русскаго, отверзая, их же ухо не слыша, око не виде, и не леть словесы человеческими глаголати, мы же о гресе отцев сокрушающиеся, зовем ти:

Радуйся, имже Святая Русь возсияет; радуйся, имже Господь Россию прощает.

Радуйся, падшаго народа воззвание; радуйся, отечества нашего избавление.

Радуйся чистоты, неудобопятнаемая человеческими домысли; радуйся, смирение, удивляющее ангельския воинства.

Радуйся, яко Христа носивый в сердце своем; радуйся, яко Церковь Его ограждавый.

Радуйся, звездой, страдания Христовы уяснившая; радуйся, крест Господень своим страданием украсивый.

Радуйся, нас ко Господу приводяй; радуйся, имже отечества земнаго и Небеснаго сподобляемся.

Радуйся, царю Николае, Христом Богом царствующий.

Кондак 2.

Видяще враги Христовы твою чистоту, клеветами и доныне тшатся житие твое помрачити. Ты же еще отрок сый, диаконски возглашал еси: «О благочестивейшем и самодержавнейшем». Мы же, слышаще из вечности сей глас твой, поем с тобою: Аллилуя.

Икос 2.

Разум недоразумеваемый в твоём житии ищущи, удивляемся, како имя жениха матери и любимейшаго брата отца восприял еси, прежде жития тайныя лепоты Царствия Небеснаго в житии твоём воспсия, темже и поем ти:

Радуйся, имя усопшаго, любимаго отцем и матерню косприявый; радуйся, тайну смерти и паки рождения в сем соединивый.

Радуйся, купно с державным праотцем во зраце молнии не Богом посещенный; радуйся, страхом Божиим ничесоже, кроме греха, воятися наученный.

Радуйся, страстотерпчества Царя-освободителя вывый свидетель; радуйся, терпение в страданиях восприявый как добродетель.

Радуйся, мученической кончине своего деда сострадавый; радуйся, царскую диадиму мученическим венцем уяснивший.

Радуйся, блаженною Ксению со всею семьею в Борках спасенный; радуйся, ангела земли, идеже Борки, прославивый.

Радуйся, солдатскую службу от юности возлюбивый; радуйся, вонном Христовым до гроба вывый.

Радуйся, царю Николае, Христом Богом царствующий.

Кондак 3.

Сила Вышняго осени тогда отечество наше: от рождия Христова – Руси Святой, грозд ханаанский показа – благочестивейшаго из русских царей. Мы же молитвами его чающие пити новое вино во Царствии Божием вопием сице: Аллилуя.

Икос 3.

Имея Богоприятную землю душу твою, праотцы и отцы твоими от Владимира Святаго тысящелетне удобренную, плод сторищен Господу купно со царицею и чады принесл еси. Мы же малое моление сие прилагающе к небесной славе твоей дерзаем тако пети тебе:

Радуйся, ромеев наследниче; радуйся, рода Романовых венче.

Радуйся, Христа в сердца наша возвращаяй; радуйся, тебе молящихся посещаяй.

Радуйся, отче народа русскаго; радуйся, его же токмо Сын Божий открывает.

Радуйся, яко в тебе сокрыто изобилие жизни вечныя и временныя; радуйся, готовое наше покаяние.

Радуйся, молитвенниче теплый за землю Русскую; радуйся, Сергие и Димитрие по чину Мелхиседекову.

Радуйся, возвращаяй сердца отцев детям; радуйся, каменная сердца наша пременяяй на плотяная.

Радуйся, царю Николае, Христом Богом царствующий.

Кондак 4.

Бурю внутри имея помышлений сумнительных целомудренный цесаревич из воли Божия и родительския отнюд не дерзал есть. Темже, церковных венцев долготерпением, верою и любовию достигнув, благодарно Богу вопиял есть: Аллилуиа.

Икос 4.

Слышаша Пастыря пастырей в Ветсем и Новем Заветех глаголюща: яже Бог сочетал есть, человецы не разлучат никогдаже. Темже все упование на Него возложил еси. Мы же нетерпеливи и маловерни со страхом взываем ти:

Радуйся, сердце твое, иже в рүцех Божинх, единожды возлюбившее никогдаже переменивый; радуйся, яко десятилетнее пождание твое Господь святою сүпругою увенчал есть.

Радуйся, из послушания воле отчей никогдаже выходящий; радуйся, волю Отца Невеснаго всегда ясно разумевающий.

Радуйся, именем провозвестницы Евангелия прощения первеницу твою нарекий; радуйся, яко сия не мстити за үбиение твое нам заповедала есть.

Радуйся, именем диакониссы римския дщерь твою вторюю назвавай; радуйся, яко сия истинная служительница в церкви своей малой явлася есть.

Радуйся, яко третия дщи твоя благою часть избра, яже и не отнимется от нея; радуйся, яко сия язвы на ногу Иисусову уврачевала есть.

Радуйся, яко юнейшая дщи твоя воскресением называется; радуйся, яко четырьмя мудрыми девами мы от слатей мира воскресаем.

Радуйся, царю Николае, Христом Богом царствующий.

Кондак 5.

Боготечную звезду жития твоего зрим на смеркающихся летописех российских и вселенских: житием твоим, светом и твердостью адаманту подобным, испытуются последующии владыки, мы же, токмо мимо шестковати слыша славу твою, слепцем подобно вопием о тебе Богу: Аллилуиа.

Икос 5.

Видеша иноплемени и инославни святость жития твоего и святыхъ семьи твоея, удивляхүся народу русскому, такового сокровища не ценившему, тщашася сии свои талантами слүжити тебе, мы же, соотечественницы твои сүще, согрешили на Нево и пред тобою, и үже не достойни нарецися сыны твои, но токмо вопием ти:

Радуйся, радуга многоцветная заповедей Христовых; радуйся, имже от потопа беззаконий моихъ избавляюся.

Радуйся, пастырю добрый народа русскаго; радуйся, дүшу свою за Христа, им распятого, положивый.

Радуйся, врагов твоихъ и поныне нестерпимое жжение; радуйся, врат адовыхъ вечное разрушение.

Радуйся, славо России незаходная; радуйся, страстотерпцев надежный образе.

Радуйся, столпе веры Православныя; радуйся, твердое Церкви ограждение.

Радуйся, яко ты еси знамение пререкаемое; радуйся, яко тобою открываются помышления многихъ сердец.

Радуйся, царю Николае, Христом Богом царствующий.

Кондак 6.

Проповедник Богоносный вывый, многия страны вселенныя посетил еси, проповедав Христа всем самым явлением твоим. Темже и древний враг не терпя сего во главу пощущением Божиим уранил тя. Мы же радующеся спасению главы российскийския вопием Богу: Аллилуиа.

Икос 6.

Возсиявый на крайнем востоце просвещение истины, отгнал еси лжи тьму, нечестивни же, не терпяще сего, на жизнь твою покусишася. Князь же греческия страны отнюдуже вера Православная нам возсия спасе жизнь твою, еще страданий не исполнившюся, темже и мы поем ти:

Радуйся, уранением во главу об опасности державе твоей предвозвещенный; радуйся, князем отечества Православия от сего спасенный.

Радуйся, смирения Христова поборник; радуйся, уничижения царства твоего отнюд не терпевый.

Радуйся, блаженне миротворче евангельский; радуйся, удар отечеству твоему нанесенный твердо приявый.

Радуйся, в ведах вранных о милостех Божних покаянно просивый; радуйся, милость Божию в рождении наследника приявый.

Радуйся, истощание крови царския сквозь все житие видевый; радуйся, авраамски сына своего жертвою за грех народа узнавый.

Радуйся, в измене лукаваго раба древнюю сеть уведевый; радуйся, единород пребывый ради Христа.

Радуйся, царю Николае, Христом Богом царствующий.

Кондак 7.

Хотящу воину некоему бородинскому от нынешняго века преставитися прелестнаго не благослови Христос Бог дондеже не узрит Новаго Чудотворца Николая, милость, суд и веру исполняющаго, дондеже не воспетн ему о царе Богу: Аллилуиа

Икос 7.

Новую показа Русь Святыю, онебесившюся уже, яко несть на земли Русской покаяния. В ту же новую землю ни един русский без царя страстотерпца не внидет дондеже не запоет:

Радуйся, яко прикладом ударяемый токмо «за что, голубчик?» вопросивый; радуйся, темже твое есть Царство Невесное.

Радуйся, яко кровавыми слезами «измена, трусость и обман» написал еси; радуйся, яко на лоне Авраамове утешился еси.

Радуйся, яко кротце всех простил еси; радуйся, яко на веки землю Русскую наследовал еси.

Радуйся, яко страждущих тайно вином и елеем умащал еси; радуйся, яко Господь помиловал есть в тебе царство твое.

Радуйся, за охранение чистоты ближними возненавиденный; радуйся, яко зрением Бога выну истее причащавшийся.

Радуйся, яко донине поносят, иждевают, рекут всяк зол глагол лжуще на тебя ради Христа; радуйся, яко мзда твоя вечно Царствие Невесное.

Радуйся, царю Николае, Христом Богом царствующий.

Кондак 8.

Странное житие сына твоего видевше, устранимся мира, ум на небеса преложше: како прежния и будущия судьбы отечества нашего житием сим изобразишася, мы же взор, яко орлиный, обретше, вопием: Аллилуиа.

Икос 8.

Весь ве в нижних, но и Руси Святыя заветов не отступни никакоже, святыи страстотерпче царю Николае: ведяше, яко царство Русское крепко бысть Царствием Невесным, идеже не помогает ни богатство, ни крепость телесная, ни

разум плотский, ни подвиги праотцев, но токмо любовь ко Господу, темже и Русь Святая тебе возглашает:

Радуйся, яко двух архиереев малороссийских паки соединивый; радуйся, яко в любви их царство твое совершивый.

Радуйся, саровскаго столпника на раменах носивый; радуйся, славой крестною по молитвам его венчанный.

Радуйся, благоверных Анну и Евфросинию вознесый; радуйся, яко их молитвами Небеснаго Иерусалима неразлучно со чады достигнувший.

Радуйся, патриарха, Россию спасаюга, возвеличивый; радуйся, патриаршеством Россию спасти возжелавый.

Радуйся, Питирима Тамбовскаго обретый; радуйся, якоже и сей, бездомным храмоздателем явивыйся.

Радуйся, яко храмы тмочисленные поставивый; радуйся, души безчисленные ко Христу приведый.

Радуйся, царю Николае, Христом Богом царствующий.

Кондак 9.

Всякое естество ангельское и человеческое удивися великому твоего самоумаления делу: како во всем житии твоим воле Божии послушавъ был еси даже до смерти, никакоже свою волю твоя, но взирая на крест Господень. С сими же силами небесными и верными человеки и мы вопием: Аллилуиа.

Икос 9.

Ветия многовещанныя, яко рыбы безгласныя, видим о тебе, царю мучениче, яко сии, на лжеименный разум полагающиеся, дерзают безбожными усты судити тя, в волю Божию предавагося. Ты же в молчании проходиши многоскорбное твое житие, яко же Господь во дворе первосвященничестве, мы же взор твой сретаяще, вопием ти:

Радуйся, яко новыя страны народом русским населил еси; радуйся, яко сей народ твой злаго врага повелел есть.

Радуйся, яко в совете и любви с твоим народом жити желавый; радуйся, яко народ свой для совета и любви призывавый.

Радуйся, аще и в совете сем врата адовы обретый; радуйся, яко твоя любовь к народу сии не одолеша.

Радуйся, яко от наемных пастырей Церковь Русскую сохранивый; радуйся, яко тайныя помышления их пронизавый.

Радуйся, аще и в патриаршестве твоим князьми Церкви отвергнутый; радуйся, яко не надеялся еси на князи, на сыны человеческия.

Радуйся, аще и князи сии удалишася на страну далече; радуйся, яко первых простил еси их, первыми тебе прославивших.

Радуйся, царю Николае, Христом Богом царствующий.

Кондак 10.

Спаси хотя отечество твое от распри междуусобныя, вдался еси, яко овча безгласное в руже известных врагов твоих, поношения, оскорбления и унижения от народа твоего терпя, нас непокоривых научая смирению да воспоем Богу: Аллилуиа.

Икос 10.

Стена еси всем сыновом российским во обстояниех последняго времени царю Николае избавляя от нежданно нахотящих на ны по грехам нашим: защищая от вздымающихся волн моря житейскаго. Тобою во твердость обретаем, темже и поем ти:

Радуйся, стено неоворимая Церкви Христовой; радуйся, мира всего зло удерживаяя.

Радуйся, яко вопнеши со Михаилом Архистратигом: «станем со страхом»; радуйся, видит во Господь сие стояние яко доброе.

Радуйся, яко ты обновляеши кающийся народ-детоувныйцу; радуйся, яко ты молишися за нерожденных чад русских.

Радуйся, растлителей России наказуяя; радуйся, чистоту детскую охраняяя.

Радуйся, Россию паки Господу ѹневестивый; радуйся, наше непреложное будущее устроаяй.

Радуйся, православные браки созидаяй; радуйся, блудных чад отцем возвращаяй.

Радуйся, царю Николае, Христом Богом царствующий.

Кондак 11.

Пение всякое побеждается приникающе к страстем Господним, тем же и мы, созерцающе христоподражательныя страдания твоя, затворяем недостойныя уста наша, тишина же ангельски гремит: Аллилуна.

Икос 11.

Светопримную свещу сущему во тьме и сени смертней народу зрим тя, царственный страдалече: тихо, яко свеча, и прямо, и горé устремленно житие твое, и горяча, яко огонь, любовь твоя к народу твоему, тем же и наша сердца возжизает пети тебе сице:

Радуйся, душю за сербския други своя положивый; радуйся, яко взял еси крест войны всемирныя и себе отвергся еси.

Радуйся, аще и ближними воеводами преданный; радуйся, их же лобзаннем простил еси.

Радуйся, с народа грех клятвопреступления вземый; радуйся, чашу горькую в народа место испивый.

Радуйся, яко Господу во смиренни уподобился еси; радуйся, яко малую церковь твою на заклание вел еси.

Радуйся, яко жертвою всесожжения сына твоего принесл еси; радуйся, яко горлицами за грех народа дщери твои принеслися суть.

Радуйся, егоже Бог с народом сочета и человецы не различил; радуйся, яко Пасха русская явился еси.

Радуйся, Царю Николае, Христом Богом царствующий.

Кондак 12.

Благодать дати восхотев людем своим, егда за грехи тяжкия и общее отступление во многих изсяче любви, послал нам ангела хранителя земли Русския Новаго Николая Чудотворца. Он же рукописание грехов наших раздирая, присно Богу поет: Аллилуна.

Икос 12.

Поюще твое долготерпение, хвалим тя вси, лестнице покаяния народа нашего: степени схождения твоего в подвал дома Ипатиева, степени восхождения от тьмы греховныя народу твоему явились суть. Тем же и бездна чудес тобою нам подается, научая пети всех:

Радуйся, яко святитель Николай тебе молитися призывает; радуйся, по смерти Поведоносцем явивыйся.

Радуйся, Давиду кротостию, и Соломону мудростию уподобивыйся; радуйся, из тьмы крошечныя и топи изводящий.

Радуйся, безплодной матери райский плод подаваяй; радуйся, яко послушливому нерю со дна источника крест подал еси.

Радуйся, из темницы изводяй; радуйся, всякое прошение исполняяй.

Радуйся, всякую болезнь врачуйай; радуйся, в пути шествуйай.

Радуйся, гонителей твоих, алчущих и жаждущих правды, превращаяй; радуйся, помощниче прежде прошения нашего.

Радуйся, Царю Николае, Христом Богом царствующий.

Кондак 13.

О, великий Боговенчанный страстотерпче царственный мучениче Николае! Чрез все житие твое страдалчествовати изволил еси, блудным сыновом российским имене разделяя. Наконец же свою и чад своих кровь источил еси, Хри-

стѹ подобяся, да обратимся, и приидем в себе, и воспоем о тебе Богу: Аллилуѳа.

(Сей кондак глаголи трижды.
И паки читается 1-й икос и 1-й кондак.)

Песнь 7.

Ирмос: Росодательну ѹбо печь содела ангел преподобным отроком, халден же опаляющее веление Божие мучителя ѹвещя вопити: благословен еси Боже отец наших.

Ноць несветла приниче на землю Русскую, егда отречеся есть народ от Царя Невеснаго: и воздремашася вси, и спяху любящии Христа, тогда ты, о царице мученице Александро Новая, яко юница течаше внезапно слышавши: «Св. Жених грядет»: зрящи во образе мужа твоего иудеями поруганнаго Христа.

О како бѹсловнии пишѹт, яко токмо мужа в царе мольяше ты, о страстотерпице царственная Александро Новая: ты, яже преклоняше колене пред помазанником Божиим в священнем короновании, ты, яже Новом Многострадальным его именоваше, ты, яже об отречении ѹслышавшая «буди мне и чадом моим по глаголу Твоему» кротце рекла еси.

Егда все царство твое чужестранною тебе, о царице, нарицаше, ты, о страстотерпице неколеблемая, о любви к России глаголаша еси, разлѹчения с нею не терпящи, нас, грешных, научаючи во ѹтрате любви ко Отечеству ѹтраты адамовыя страшитися.

Кая из матерей христіанских не похвалит тебе, о царице? Зане всех лучше брак дщерей твоих ѹстроила еси, чрез небесное сие родство страну нашу паки Богу ѹневестивши.

Песнь 8.

Ирмос: Из пламене преподобным рбсу источна еси, и праведнаго жертву водою попална еси: вся бо твориши, Аристе, токмо еже хотѣти. Тя перевозносим во вся веки.

О како все твое царствование лествица дома Ипатиева и образи: оное схождение твое по степенем послушания воли Божией царственное вонстину снисхождение к народу твоему зрящим является.

О како нисходиши ты степенями страсотерпчества, царственно вонстину самоумалаяся, юнца питомаго сына твоего на рѹку нося, о како донныне мы не приидем в себе, како не возглаголем: царю святой, согрешихом на небо и пред тобою.

Волю едину на небесех святини имѹт, тем же Царство Невесное дом Ипатиев бысть, зане едину волю ко схождению даже до ада за грехи народа своего царственнии мученицы имеша.

О матери святая царице: аще ли сердце твое не провеца ти, чад твоих камо ведѹт степенни сии? Но ѹневестившая чад твоих Жениху Христу, помолися о чадах Россійских.

Песнь 9.

Ирмос: Бога человеком не возможно видети, на Негоже не смеют чини ангельстии взирати: Тобою же, Всчистая, явися человеком Слово воплощено, Егоже величающе с небесными вои, Тя ѹблажаем.

«Не прикасайтесь помазанным Моим» рече Господь грома и молниями в подвале клятвеннем: темже да не льстятся скверноубийцы, яко повержен бысть царь: но Русь, прежде святая, паде и превратися: на месте

святе царство сатанино от полунощи той и донине углубляется.

Сонмище правителей привременных надолзе искаху осудити царицу-мученицу: и ни единой вины обретется на ней: се не терпяще чистоты и святости ея, смертию сияние сие погасити тщатся: обаче страсотерпица за имя Божие смерти не узрит во век: от часа сего жены их – жены лотовы, жены нововы, незавели и роднады: и иных не будет правителем страны сия за кровь Александры Новыя.

Како самыя пүли проповедаша Царство Божие пришедшее в силе: не можаху бо царевен-мучениц ископати: возвращахуся во мечущим оныя, безумие их обличающе, сих же висеров, дражайших всех мирных сокровищ, собра себе в диаволу Христос Бог.

Присно живет царевич Алексий: в смерти его оправдася страдальческое житие его: яко долее всех удерживал есть смертное мучение его Господь: яко и ныне множицею в закупаемых младенцев свидетельствует отрок сей святой Христа Бога жива.

Ексапостиларий:

Свет оружный в подвале дома Ипатиева свет путеводный явился во мраце жития нашего: вемы непреложне чесо взыскует Господь от верных раб Своих, зрим славу крестную и рай отверстый, житие вечное.

Слава, и ныне:

Пресвятая Владычице наша Дево Мати Творца: Купиною Неопальною явился в пустыни жизни нашей: зриши, яко сгораем страстьми нашими: попалин убо всякую скверну и очисти и спаси души наша, да узрим славу Сына Твоего и святых царственных мучеников.

На хвалитех, глас 4:

Кто есть от вас народ, его же аще воспросит отец его хлеба, камень подаст ему? Се просит державный отец христиан своих хлеба для ратного труда: се каменносердечие прелагают ему чада: ни тебе, ниже супостату твоему хлеба дамы: пожди, егда унши будет.

Егда многая лета дома твоего, о царю святой, сердца верных веселили суть, множицею тогда народ вопиял «осанна», даже до вын в воду сходя вслед ладьи твоей: и абие по шести летах сей же народ искаше лице твое заплекати, детей твоих умучити, мняще Бога не суща: но и поныне нет о сем покаяния.

Се не zde или онде: но окрест измена и трусость и обман: несть помогая, вси уклонишася, вкупе неключимы быша, но никто как Бог, рече Помазанник: буди имя Господне благословенно: и отвечаая, отвечаает ему Отроковица Богомати: сей от рода Нашего: ей, гряди Серафиме, прослави царя, тя прославльшаго.

Слава:

В страшный день отречения вси людие русски знаменоваша одежды своя цветом крови, иудеом древлим подовящися: кровь его на нас и на чадах наших вопиюще: мы же, о царю-мучениче святой, во одеждах пасхальных поем ти, яко в тебе воскресение земли нашей.

И ныне. Богородичен.

*По совершении отпуста выходим на литию
И поем стихиры Пасхи.*

НА ЛИТУРГИИ

МОЛИТВА

ко Святому Великомученику
Благоверному Царю Николаю

О, святыи великомучениче, победоносче и целебниче царю Николае! вопрошая, яко Исаак Авраама, Господа вопрошал еси: Где есть овча, еже во всесожжение? И, отвещая, отвещал еси Владыце твоему: Аще потребна жертва за Русь Святую, аз есмь жертва сия. Сми же, яко первосвященник за грехи народа твоего, ходатай не без крови ко Престолу Троицы Святыя пришед, моли о нас, о страдальче пятидесятолетний, Бога твоего, да не умремся страданий за Христа; и, якоже привел еси народ твой к славнои победе над злым врагом, поне и чрез двадесять и осемь лет сице приведи и нас к победе над злою волею нашею и над врагами царства твоего; и, яко умневестил еси семью твою Небесному Жениху, сице и сирых младенцев русских напитай, углеби, целомудри; и, яко же Новый Николай Чудотворец, шествуй нам тесным путем, ко Христу приводящим. О, дивный воеводо рода русского! Поборствуй Руси Святой противу новаго ига, агарянского и ляхьскаго злейша; накажи, но помилуй, попали, но исцели: умоли Господа и Пречистую Матерь Его не быти в конец оставленной земли нашей. Да будет на нас державная воля твоя. Да будет с нами отчая милость твоя; и, яко умножися вопль содомский от земли наша, призри милостивно на ны, яко же и Господь Бог наш в Тронце славимый древле посети любовию своею оныя содомляны; тако да очистит ныне и нас Бог огнем любви твоея. Аминь.